

## **Cov Lus Nug thiab Cov Lus Teb txog Kev Suav Sau Cov Ntaub Ntawv**

**KEV SOJ QAB XYUAS MUS NTEV RAU COV ME NYUAM YAUS UAS MUAJ MOB RAU THAUM YUG TSHIAB**

### **Vim li cas Minnesota Department of Health (MDH) thiaj li suav sau cov ntaub ntawv ntsig txog cov me nyuam yaus uas muaj mob suav txog qhov Kev Kuaj Rau Cov Me Nyuam Mos Yug Tshiab uas nyob hauv Minnesota?**

Peb siv cov ntaub ntawv uas peb suav sau no los ua kom paub tias cov me nyuam yaus thiab lawv tsev neeg tau txais kev pab txhawb thiab tej kev pab cuam uas lawv xav tau thiab tim tsum tau. Peb yuav ua hauj lwm nrog cov niam thiab txiv, cov kws saib xyuas kev noj qab haus huv, cov kws qhia ntawv, cov kws tu neeg mob hauv zej zos, cov koom haum hauv zej zos, thiab lwm cov neeg raws li xav tatu los mus txuas cov tsev neeg mus rau tej kev pab cuam, tej kev saib xyuas, thiab kev txhawb nqa ntawd. Tej kev saib xyuas no muaj xws li cov kev pab txhawb thiab kev tsim kho kom loj hlob, xws li kev pab cuam rau thaum ntxov, kev noj qab haus huv, thiab kev saib xyuas mob nkeeg. Cov ntaub ntawv hais txog ttej kev pab cuam thiab tej kev saib xyuas yuav muab cov ntaub ntawv qhia rau cov tsev neeg txhawm rau lawv txiav txim siab. Peb mam li tsim kom muaj kev pab cuam, siv tau yooj yim, thiab pab rau cov tsev neeg. Peb kuj yuav mob siab ua kom to taub qhov kuaj tau los thiab tsim kho qhov kuaj tau los rau cov me nyuam yaus rau lub sijhawm tom ntej. Tej ntaub ntawv uas peb suav sau los yuav pab ua rau peb soj qab tau tag nrho feem yuav kho mus ntxiv thiab qhia rau peb txog qhov ntxim zoo thiab qhov tsis ntxim zoo.

### **MDH yuav paub tau li cas txog qhov kev kuaj ntsuam kab mob ntawm ib tug me nyuam yaus?**

Tom qab tus me nyuam tus kws kho mob tshuaj xyuas qhov muaj mob, lawv sau ib daim ntawv hais qhia mus rau MDH [[Minn. Stat. § 144.125, ntu ncau 1\(b\)](#)].

### **Tej ntaub ntawv uas MDH suav sau txog cov me nyuam yaus uas ntsig txog rau tej yam mob no yog dab tsi?**

Peb suav sau tej ntaub ntawv ntiag tug thiab yuav suav sau tej ntaub ntawv kuaj mob, tshuasj xyuas mob, tej kev saib xyuas thiab tej kev pab txhawb, kev pab cuam, thiab tej tshwm sim tau los rau thaum me nyuam yaus. Yog xav paub kom ntxaws txog tej ntaub ntawv uas peb suav sau los, ces thov tiv toj rau MDH Feem Saib Xyuas Me Nyuam Yaus thiab Cov Hluas uas Xav Tau Kev Saib Xyuas Kev Noj Qab Haus Huv Tshwj Xeeb rau ntawm tus xov tooj 1-800-728-5420.

### **Leej twg thiaj li nkag mus saib tau tej ntaub ntawv no?**

## QUESTION & ANSWERS ABOUT DATA COLLECTION

Tsuas yog cov neeg lis hauj lwm ntawm MDH uas tau npaj tseg thiab cov neeg cog lus ua hauj lwm thiaj li yuav nkag mus saib tau cov ntaub ntawv no xwb. MDH siv txoj cai ceev ntiag tug nruj heev. Tej cai lij choj ntsig txog kev tiv thaiv tus kheej ntiag tug tej ntaub ntawv ([Minn. Stat. § 13](#)). Cov neeg lis hauj lwm thiab cov neeg cog lus ua hauj lwm tau kawm kev cob qhia txog kev ceev tus kheej ntiag tug tej ntaub ntawv txhij txhua lawm. Tej ntaub ntawv uas nyob hauv cov hauv paub ntaub ntawv teeb tseg mas tam sim no raug tiv thaiv lawm. Nws tsis pub rau sawd daws paub. Ntxiv rau qhov no, peb tsuas hais tawm txog cov ntaub ntawv dav dav xwb. Qhov no txhais tau tias yuav tso zov zauv xyaw nrog rau cov ntsiab lus tam rau ib pawg thiab tam rau tus kheej ntiag tug, xws li lub npe thiab hnuv yug, mas tsis muaj hais rau hauv no.

Minnesota Department of Health  
Children & Youth with Special Health Needs  
PO Box 64975  
St. Paul, MN 55164-0975  
800-728-5420  
[health.cyshn@state.mn.us](mailto:health.cyshn@state.mn.us)  
[www.health.state.mn.us](http://www.health.state.mn.us)

December 2022

*To obtain this information in a different format, call: 800-728-5420.*